



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Ferhadija 30, 71000 Sarajevo
Bosna i Hercegovina
Telefon: +387 33 276 676
Fax: +387 33 444 332
www.nfsbih.ba



Broj: 4190-2/17
Sarajevo, 22.12.2017. godine

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine, na sjednici održanoj 22.12.2017. godine u Zenici, donosi **s l i j e d e ć u**

O D L U K U

1. Registracioni savezi NS/FS BiH su dužni provesti postupak preregistracije igrača, koji će trajati počev od 01.01.2018. godine pa zaključno sa zadnjim danom zimskog registracionog perioda 2018. godine.
2. Registracioni savezi NS/FS BiH imaju obavezu provesti postupak preregistracije u skladu sa Pravilnikom o registraciji, statusu i transferu igrača NS/FS BiH i Uputstvom, koje je sastavni dio ove Odluke.
3. Odluka stupa na snagu i primjenjuje se danom donošenja.

O b r a z l o ž e n j e

Pravilnik o registraciji, statusu i transferu igrača NS/FS BiH, predviđa proces preregistracije igrača u periodu svakih pet godina.

Posljednja preregistracija je izvršena u januaru 2013. godine.

U skladu sa gore navedenim odlučeno je kao u dispozitivu.



PREDSJEDNIK

Elvedin BEGIĆ



Na osnovu Odluke o preregistraciji igrača Izvršni odbor NS/FS BiH na sjednici održanoj 22.12.2017. godine, d o n o s i

UPUTSTVO

o načinu sprovođenja Odluke o preregistraciji igrača Nogometnog /Fudbalskog saveza BiH

1. Preregistracija igrača počinje 01.01.2018. godine, a završava se zaključno sa posljednjim danom zimskog registracionog perioda 2018. godine;
2. Proces preregistracije obavljaju registracioni savezi uz potrebnu dokumentaciju kluba;
3. Obavezi preregistracije podliježu igrači koji su registrovani zaključno sa posljednjim danom koji prethodi prvom danu preregistracije i to:
 - igrači pod ugovorom – neamateri,
 - amateri,
 - ostali igrači amateri: samo oni za koje klub odluči da ih preregistruje uključujući i one igrače koji su u toku trajanja preregistracije privremeno odsutni.

Preregistracija se ne vrši za igrače koji se redovno registruju u vrijeme trajanja preregistracije s tim što za te registracije važe odredbe ove Odluke u vezi sa obrascima za registraciju uključujući i nove fotografije.

Od svih igrača koji se preregistruju kao i onih koji se redovno registruju počev od prvog dana utvrđenog za preregistraciju formira se nova kartoteka kao i novi registar igrača.

Svi igrači koje klub do posljednjeg dana utvrđenog za preregistraciju ne preregistruje automatski prestaju da budu registrovani članovi kluba te se mogu registrovati za bilo koji drugi klub po odredbama Previlnika o registraciji, statusu i transferu igrača NS/FS BiH sa pravom nastupanja danom objave registracije u Službenom glasniku, s tim što su obavezni u prijavi za registraciju u rubrici dosadašnji član da stave naziv kluba kome su pripadali do preregistracije, a u rubrici posljednji nastup da stave: nije preregistrovan.

Igrači koji mijenjaju teritoriju registracionog saveza, dužni su da uzmu potvrdu o automatskom brisanju sa spiska registrovanih igrača, nastalu zato što ih njihov klub nije preregistrovao.

Nadalje svi igrači koji nisu preregistrovani sa zadnjim danom za preregistraciju se automatski brišu u sistemu COMET sa razlogom: nije preregistrovan i postaju dostupni za registraciju u drugim klubovima

4. Počev od prvog dana koji slijedi posle preregistracije klub može nastupati samo sa igračima koji su preregistrovani po odredbama ove Odluke kao i sa igračima koji su redovno registrovani počev od dana kada je počela preregistracija igrača.

Protiv kluba koji nastupi na zvaničnoj utakmici (prvenstvenoj ill kup) sa igračem koji nije preregistrovan a podliježe obavezi preregistracije, povešće se disciplinski postupak u skladu sa Disciplinskim pravilnikom NS/FS BiH (nastup sa igračem koji nema pravo nastupa, s tim što će se po žalbi oštećenog kluba primjeniti i takmičarske sankcije iz Pravilnika o nogometnim / fudbalskim takmičenjima.

U cilju izvršenja preregistracije svaki klub dužan je da nadležnom registracionom savezu dostavi slijedeće:

- a. spisak registrovanih igrača koji žele da preregistruju u dva primjerka (jedan primjerak organ za registraciju zadržava za svoje potrebe a drugi poslije ovjere vraća klubu) sa

slijedećim podacima:

- b. prezime, očevo ime (puno ime) i ime igrača
- c. pravo nastupa na prvenstvenim utakmicama i
- d. broj registracije (broj iz COMET-a)
- e. staru legitimaciju
- f. novu legitimaciju sa fotografijom s tim što će je klub ovjeriti pečatom na dva dijagonalna ugla (a druga dva ugla ovjerava nadležni registracioni savez svojim pečatom)
- g. novi obrazac legitimacije će biti usklađen sa trenutnim potrebama (rubrika za unos ugovora igrača, ustupanja igrača, nastupa na privremenu registraciju i.t.d., a brisati rubrika nastup za reprezentaciju, rubriku o upisu kazni za igrače i.t.d.), a obrazac istog će usvojiti IO NS/FS BiH, te će se primjerak - priprema za štampu dostaviti registracionim savezima.

Na određenom mjestu ispod ovjerene fotografije igrač je dužan da se svojeručno potpiše, dvije nove prijave za registraciju čitko popunjene štampanim slovima i ovjerene pečatom kluba.

4. Po prijemu predmeta preregistracije organ za registraciju igrača nadležnog registracionog Saveza dužan je da na sjednici:
 - pregleda materijal i sravnjava podatke dostavljene od strane kluba sa svojim podacima
 - odlučuje se da se ispravni predmeti preregistruju, a nepotpuni odbace
 - sve odluke o završenoj preregistraciji ill odbijanju zahtjeva se konstatuju zapisnički
 - odluke o odbijanju zahtjeva se dostavljaju klubovima zajedno sa obrazloženjem
 - evidencija preregistracije u organu za registraciju se vodi kroz sistem COMET
 - odluke o izvršenim preregistracijama se objavljuju u Službenom glasniku Saveza koji je nadležan za ovjeru registracije putem COMET-a.

5. U novim prijavama za registraciju i novim legitimacijama igrača nadležni organ za registraciju igrača Saveza unosi pravo nastupa prema ranije izvršenoj registraciji
Nadležni organ za registraciju igrača obavezan je da vodi evidenciju registrovanih igrača po klubovima u sistemu COMET.

Uputstvo je sastavni dio Odluke o preregistraciji za 2018. godinu.

Ovo Uputstvo obavezno se objavljuje u Službenom glasniku NS/FS BiH.



PREDSJEDNIK

Elvedin Begić